

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

nistri audivit : Surge Rex, & age curam negotiorum tuorum ! exemplò ille surrexit. Idem tibi observandum, mi Christiane. Si tibi à verbi Præcone, qui curam salutis tuæ agit acclamatur, surge ! evigila ! ut statim exsurgas à mortuis, qui dormis, Eph. 5.v.14. & salutem tuam cum timore & tremore opereris, Phil. 2.v.12. Nam ab hoc momento pendet æternitas, quod virginis fatuæ suo damno expertæ sunt, Matt. 25.v.12.

III. *Ardenter ora.* Sic enim Servator : Vigilate itaque omni tempore, orantes, ut digni habeamini fugere omnia ista, quæ futura sunt, & stare ante Filium hominis.

Hoc pernecessarium est. Vivimus enim in mundo, qui juxta Lutherum nihil aliud est, quam stabulum pessimorum hominum, & licet summa cura provideamus nobis, facile tamen fieri potest, ut à Diabolo per concupiscentiam oculorum, concupiscentiam carnis & superbiam vitæ insecedemur, & ita naufragium salutis faciamus, 1.Tim.1, v.19.

Idèd subinde cum Ecclesiâ precemur :
Tentationem ne feras,
Cum nos malignus Satanas,
Captat sinistrè, dexterè,
Da fortiter resistere,
Firmâ cataphractos fide,
Sanctique Spiritus ope.

Item :


Memundus enim mendaciis,
Vafrisque fraudulentius
Lacefit atque minis :

Tuere me

Discrimine

A machinis malignis.

Id non frustraneum erit ; multum enim valet deprecatio justi assidua, Jac. 5.v.16. Ideò ne dubitemus, quin, quæ oraverimus, imperaturi simus, ut vitâ justè, temperanter & piè actâ digni habeamur, stare ante Filium hominis, audientes vocem amabillem : Venite Benedicti Patris mei, possidete paratum vobis Regnum ab exordio mundi. Et ita ibimus in vitam æternam, Matth. 25.v.34.46. Quam JEsus nobis omnibus largiatur, Amen.



DOMINICA III. ADVENTUS.

Evangelium Matth. 11. v. 2, 11.

EXORDIUM.

Cum Mōsi à numine divino mors intimaretur, de nullâ re ille magis sollicitus erat quam de Iſraëlitarum salute, ut in vera & salvifica cognitione illi conservarentur, hinc non modò benedictione eos affectit : sed variis quoque utilibus doctrinis instruxit, quas post obitum suum

observare deberent, Deut. 31. v. 14. seqq. Hoc præclarum exemplum est. Moses genuinum munus gessit, fuitque non modò Propheta, sed & Princeps populi Iſraëlitici, ideò meritò ejus curam habuit, quippe qui quam animam & corpus ipsi concretus fuit.

c

Sic

Sic adhuc hodie animarum Pastores & Magistratus ovinularum sibi concreditarum rationem habeant, quò illi pòst obitum quoque salutarium eorum admonitionum, quas viventes reliquerunt, memoriam faciant, 2. Petr. i. v. 15. Plerumque enim accidere amat, ut Leontius dixit: Hac niye liquefacta (canos capitis ostendens, multum erit luti, h.e. varia mala ingruent, tām in Ecclesia, quām Politia. Id variis modis fieri potest. Quandoque enim surgit Rex novus, sicut in Ægypto, qui ignorat Joseph, Exod. I. v. 8. Sive Diabolus lupos graves mittit, non parcentes gregi, Act. 20. v. 29. idèò peropus est, ut illi, quibus inspectio à Deo mandata est, non modò assidue vigilent in vita sua: sed & ordinent, quò post mortem quoque pretiosum verbi salvifici depositum incorruptè conservetur, & ad posteros propagetur.

De Imperatore Theodosio memorat Ambrosius, quod morti vicinus salutem Ecclesiæ magis quām valerudinem suam euraverit. Sic & Paulus Romæ incarceraurus aliquot Epistolas scripsit, ad Galaras, Gal. 6. v. 11. ad Ephesios, Eph. 6. v. 24. ad Philippenses, Phil. 4. v. 23. ad Colossenses, Col. 4. v. 18. posteriorē ad Timotheum, c. 4. v. 22. & ad Philemonem v. 25. idèò inquit, quod quamvis affligatur usque ad vincula, quasi malè operans, verbum Dei tamen non alligatum sit, 2. Tim. 2. v. 9.

Egregium quoque hujus rei habemus exemplum in Baptista, qui nihil prius neque antiquius habuit, ubi jam in castello Machero incarceraurus fuit, quām ut discipuli sui, quād huc vacillabant, ignorantes, cui Messiæ honorem darent, Christone, an Johanni, in veram viam reducerentur,

& eum agnoscerent, cujus prodromus ille fuerat, idèò duos exillis ad Christum mitit, quæ situm: Tu es, qui venturus es, an alium expectemus? Non quidem propter se, quem id non fugiebat, siquidem Messiam in utero materno saltu p̄gāudio salutaverat, Luc. 1. v. 41. baptizaverat, Matth. 3. v. 15. & digitis monstraverat, Joh. 1. v. 29. sed propter discipulos suos, ut ex falsa opinione liberati, clare perspicerent, se non Messiam esse, sed præmissum duntaxat ad viam Messiæ parandam. Id quod pluribus in prælectâ Pericope describitur, ex quâ pro instituti ratione meditabimur:

- I. *Tripliæ Querelam.*
- II. *Tripliæ Medelam.*
- III. *Tripliæ Cauelam.*

J J.

Exegesis.

Mundus hic nil aliud est, nisi vallis lacrymarum, Psal. 80. v. 6. primò ratione peccati, in quo homo non modò concipitur & nascitur, Psal. 51. v. 7. sed saepè malitiolè voluntate, & hoc ipso temporale & æternas penas sibi attrahit, Jer. 2. v. 19. Deindè quoque ratione multiplicis misericordiæ, cui à die exitus de ventre matris, usque in diem sepulturæ subjecti sumus, Sir. 40. v. 1. Ideò triplicem Querelam non incommodè primo loco tractamus ex Evangelio, quam movebit

Lectorum opprobrium. Exemplum habemus in Johanne Baptista, de quo Evangelista refert, quod in vinculis opera Christi audierit. In hanc conjecturam fuerat vir integrissimus, non ob malefactum aliquod: sed quia Herodem, qui conjugem suam legi-